

醫
通
卷
十

張氏醫述卷之十

濟州石河張

路路王父集述

男

發誕先
俾飛晴

婦人門上

經候

經曰女子手少陰脈動甚者妊子

婦人以血為主故手少陰動甚為懷身之象胎稟
在下反以上部動甚為胎脈之驗者蓋陽神氣壯
與其內陰博陽別同一胎脈而有左右上下陰陽
男女之辨是以內經特為昭揭

二陽之病發心脾有不得隱曲女子不月其傳爲風消其傳爲息實者死不治

手足陽明皆曰二陽不得隱曲言情欲不遂而病發心脾也風消者發熱消瘦胃主肌肉也息實者喘息上奔胃氣上逆也此節雖言病發心脾而實重在胃氣心爲胃之母胃爲脾之府且與大腸一氣貫通焉有母傷而子獨安藏病而府不病之理有病胸脇支滿者妨於食病至則先聞腥臊臭出清液先唾血四支清目眩時時前後血病名血枯此得之年少時有所大脫血其醉入房中氣竭肝傷故月事衰少不來也始之以四烏鰂骨一蘆茹二物并合

之丸以省卵大如小豆以五丸爲後飯飲以鮑魚汁
利腸中及傷肝也

此段經文全重在氣竭肝傷四字爲通節之綱旨
胸脇肝部也支滿肝病也妨於食木邪凌土也病
則先聞脾臊臭脾喜芳香今脾土爲木邪凌虐病
則先聞腥臊乃肝之旺氣也出清液脾虛不能
敷化水精也先唾血脾傷不能統連營血也四肢
清陽衰不能傍達四末也目眩陽不充而水土溢
於經也前後血陰受傷而血內溢於絡也血枯內
有乾血血不歸經而結胞門也長引年少不禁氣
竭肝傷而致月事衰少或不來也治以烏鰂骨四

分取其味鹹走腎性溫溫達肝配以蘆茹一分取其
辛散內風溫去惡血二物并合功專破宿生新丸
以雀卵取其溫補助陽能調子藏精血以五丸爲
後飯者先藥後飯使藥徐行下焦力貴專攻五丸
不爲少也飲以鮑魚汁利腸垢和肝傷取其氣穢
之味佐烏鰂骨而辟宿積之血也烏鰂骨黑如墨
用之書契則有賊人之害故又名烏賊入腎走血
而不傷伐真元功在蠱蛭之上攷諸本草蘆茹卽
是茜根功專散血不可誤認蘆茹蘆茹辛寒有毒
功專外科觀本經主治可知

金匱云婦人之病因虛積令結氣爲諸經水斷絕至

有歷年血寒積結胞門寒傷經絡凝堅在上嘔吐涎
唾久成肺癰形體損分在中盤結繞臍寒疝或兩脇
疼痛與臍相連或結熱中痛在關元脈數無瘡肌若
魚鱗時著男子非止女身在下未多經候不勻令陰
掣痛少腹惡寒或引腰脊下根氣衝急痛膝脛
疼痛奄忽眩冒狀如厥癰或有憂慘悲傷多嗔此皆
帶下非有鬼神久則羸瘦脈虛多寒密脈陰陽虛實
緊弦行其鍼藥治危得安其雖同病脈各異源
婦人經閉諸病無不由虛寒而成經閉雖屬虛寒
則崩漏之屬虛熱從可識矣夫經水歷年斷絕則
瘀積結於胞門寒氣凝於經絡蓋下焦寒積結聚

則中上二焦皆不得通暢所以在上則寒沫結聚而爲欬欬久熱結而爲肺癰在中則寒飲結聚而爲疝疝久熱結亦爲內癰大抵內癰皆起於結血故申之以脈數無瘡肌若魚鱗昭揭病形然此不但婦人也男子亦有是證總由經絡鬱閉寒從火化所致至於在下則經候雖不調而不至斷絕所瘀亦爲不多其證雖久但少腹氣衝引急寒痛也其或膝脛疼痛者以四肢爲諸陽之本寒結於內則在下之陽不能上入故膝脛反熱而痛也至如奄忽狀如厥癰或時憂慘悲嘆有若鬼神所憑此皆陽神虛寒不能統攝濁陰發爲帶下之候故以

外則羸瘦脈虛多寒證之然多寒言屬寒者多非
絕無屬熱者假如羸瘦而脈數又爲陰虛熱多矣
設形盛而脈虛豈不爲氣虛多寒乎形盛而脈濡
寧不爲溼熱固結乎斯其所以爲同脈異源也
寸口脈弦而大弦則爲臧大則爲芤臧則爲寒芤則
爲虛寒虛相搏此名爲革婦人則半產漏下旋復花
湯主之

脈弦而大按之減小而芤者爲表裏失血之候以
其脈弦大無力而少徐緩沖和之氣故謂之革言
胃氣近於革除也蓋弦爲陽氣少芤爲陰血虛婦
人得之王半產漏下以旋復花湯主之本草謂旋

復花主結氣芤白主寒熱新絳乃綿帛之染俳者
主活血三味入肝理血除邪散結豈非以氣少無
陽則寒血虛無陰則熱兩虛相搏以害其肝之生
化歟若不明其相搏止謂之虛何以用旋復花芤
白皆解客熱之邪者而不用溫補其虛乎

婦人陷經漏下黑不解膠薑湯主之

氣暢而血從則百脈流動以候天癸苟有邪以阻
之則血不從其氣而自陷於海血血海者腎主之
腎者寒水也其色黑是以漏下黑矣猶內經所謂
結陰下血也○林億云臣億等較諸本無膠薑湯
方當是妊娠中膠及湯

婦人少腹滿如敦狀小便微難而不渴生後者此爲
水與血俱結在血室也大黃甘遂湯主之其血當下
水有清濁清則入經化血濁則爲溺爲唾苟因氣
化之亂濁者人之則不能化血而爲血害也水性
惟能潤下下流不通入與血居必停於脈隨其所
止止於肌表者作身腫止於筋骨者作肢節腫此
止於血室故作少腹如敦狀然血室雖與膀胱異
道膀胱是行水之府水畜之室氣有相感故膀胱
之氣亦不化而小便微難水與血皆陰類雖有留
積不能發熱故不渴若渴則爲膀胱結熱而非水
血矣若小便白如而少腹之如敦者亦不謂之水

併當是他邪血積可知矣生後者言曾生育過之婦則有此患非指產後而言若室女則無是疾也
用甘遂取其直達水停之處大黃蕩滌瘀血阿膠
爲血室之向道也

婦人經水不利下抵當湯主之亦治男子膀胱滿急
有瘀血者

傷寒陽明證其人喜忘者必有瘀血大便色黑抵
當湯主之發熱下之不解六七日不大便者有瘀
血亦抵當湯主之傷寒有熱少腹滿應小便不利
今反利者爲有血也宜抵當丸二者有病證而後
立方今止云經水不利然經水不利豈盡血滯不

通而無虛損者哉此必有畜血形狀而出是勞也
婦人經水閉不利藏堅癖不止中有乾血下血物
石丸主之

子宮血積不與氣和故新血不至遂成乾血堅癖
外連子戶津液不行化爲白物是用綠礬消堅癖
破乾血杏仁利氣開閉潤藏之燥蜜以佐之內子
戶而藥氣可直達於子宮矣設乾血在衝任之海
者必服藥下之不能去也

婦人腹中諸疾痛當歸芍藥散主之

此腹痛者由中氣虛脾土不能升運陰陽致二氣
乖離肝木乘尅而作痛故用是湯補中伐木通行

陰陽也

婦人腹中痛小建中湯主之

小建中專主風木勝脾之腹痛而婦人善怒易動
肝火木邪乘土多有腹痛經水妄行之疾故以此
湯主之

帶下經水不利少腹滿痛經一月再見者土瓜根散
主之陰癰腫亦主之

此亦因瘀血而病者經水雖不利但一月再見之
不同皆衝任脈瘀血之病土瓜根消水飲芍藥開
血寧桂枝通血脈蠱蟲破血積更需以酒行之至
於癰腫非惟男子之罌丸婦人之陰戶亦有之多

在產時瘀血流人作痛下墜出戶也

問曰婦人年五十所病下利數十日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之亦主婦人寒火不受胎兼治崩中去血或月水來過多及至期不來

問下利不止答屬帶下何也婦人年已五十經絕胸門閉塞衝任不復輸瀉之時所積血自胞門化為帶下無所從出大便屬陰故就大便爲下利是卽以帶下例治之

王節齋曰婦人女子經脈不行有脾胃損傷而致者不可便認作經閉血死輕用通經破血之藥遇有此證便須審其脾胃何如若因飲食勞倦損傷脾胃少食惡食泄瀉疼痛或因誤服汗下攻伐藥傷其中氣以致血少而不行者只宜補養脾胃用白朮爲君茯苓芍藥爲臣佐以黃耆甘草陳皮肉桂川芎歸身柴胡等藥脾旺則能生血而經自行矣又有飲食積滯致損脾胃者亦宜消積補脾若脾胃無病按其少腹果有血塊凝結方宜香附蘼艾桂心桃仁行血通經等劑

經云飲食入胃遊溢精氣上輸於脾脾氣散精上歸

於肺通調水道下輸膀胱水精四布五經並行。姦心
脾和平則經候如常。苟或七情內傷六淫外侵飲食
失節起居失宜脾胃虛損則月經不調矣。若先期而
至者有因肝脾血躁有因脾經鬱滯有因肝經怒火
有因血分有熱有因勞役火動其過期而至者有因
脾經血虛有因肝經血少有因氣虛血弱治法因肝
脾血躁者加味道遙散脾經鬱滯者歸脾湯肝經怒
火者小柴胡加生地血分有熱者四物湯加白朮煥
芩柴胡丹皮勞役火動者補中益氣湯脾經血虛者
十全大補湯肝經血少者六味丸氣虛血弱者八珍
湯。○經候不調無他證而不受胎六味丸全料減澤

瀉一兩加童便製香附四兩醋煮斷艾一兩調理最
妙若有別證兼見隨證製湯送下。○婦人勞傷血氣
衝任虛損月水過多淋漓不斷或過期不來崩中下
血或白帶白淋四物湯加丁香膠艾若曾傷胎瘀血
停留小腹急痛五心煩熱者大溫經湯。○月水不調
陰虛潮熱或寒熱如瘧盜汗痰嗽漸成骨蒸者血熱
相搏也加味逍遙散。○月水准信不受孕者其故有
三。一肥白腹不痛者閉子宮也因痰導痰湯甚則間一
二日送痰痰丸二三服腹多痛者必食生冷過多且
又多氣宜溫熱藥七氣湯如欬形瘦色赤多火陰
虛者不宜服以四物加陳皮香附肉桂作丸亦